

LEGES REGIAE 4

ET

LEGES X.VIRALES,

I. LIPSII operâ studiosè collectae.

Editioultima.



ANTVERPIÆ,
EX OFFICINA PLANTINIANA,
Apud Ioannem Moretum.

CLC. IS CL.

Cum Privilegiis Casareo & Regio.

1. The first step is to identify the problem or question that needs to be answered. This involves understanding the context and the specific requirements of the task.

DE REGIIS LEGIBVS, ET QVI REGES QVAS TVLERINT.



NVS omne Publicum aut Priuatam est. Publicum, Diuinum, aut Humanum. Diuinum, quod ad sacra & sacerdotes pertinet: Humanum, quod ad magistratus & publicam administrationem. Ex his Romulus rex Humanum praecipue: Numa, Diuinum constituit. Et publico quidem iuri pauca aut reges ceteri aut x. viri addiderunt. Supererat Priuatum, quod in Naturale, Gentium, & Civile tribuitur. Naturae ius Romuli ferè leges praefecerunt: Numa Gentium addidit. Romulus de educatione liberum, de matrimoniis, de parentum iure sanxit: Numa, de homicidiis, de bonae fidei contractibus, de sepultura, quaedam tulit. Iuris Civilis praecipuus auctor Seruius Tullius, qui auctore Dionysio de Contractibus & Iniuriis quinquaginta leges rogauit: item de fœnore, de nexis, aere alieno, & alia. quae compluria in suas tabulas x. viri transfulerunt. Non aliena ab hac origine iuris Aristotelis diuisio est Iustitiae particularis in distributiuam, & ἀλλαντικὴν siue Commutatiuam. Priorem illam iustitiam Romulus maximè, & ex parte Numa: posteriorem ceteri spectarunt. Romuli leges, quarum verba ipsa perierunt, sententiae ex antiquis, praecipue Dionysio, colliguntur, sic concipi possunt.

Deos patrios colunto: externas superstitiones aut fabulas ne admittascento. I.

Ne quid inauspicato publicè gerunto. II.

Nocturna sacrificia, peruigiliaque amouentor. III.

Rex sacrorum praefes, legum custos esto: iudicia exerceto: belli imperium habeto. IV.

Patres sacerdotia & magistratus capiunto: plebeiis patroni sunt. V.

Populi suffragia sunt: magistratus creanto: leges sciunt: pacem bellamque iubento. VI.

Moenia sancta existimantor. VII.

Vxor Farreatione viro iuncta in sacra & bona eius venito: ius deuotendi ne esto. VIII.

L E G E S

- IX. Si stuprum commisit aliūve quid peccasset, maritus iudex & vindex esto: deque eo cum cognatis cognoscito.
- X. Temetum mulier ne bibito.
- XI. Quod natum erit, parentes tollunto: monstrosos tamen partus se fraude exponi fas esto.
- XII. In liberos suprema patrum auctoritas esto: venumdare, occidere liceto.

Verba ipsa legum.

- XIII. SI PATER FILIOM TER VENVM DVIT, FILIVS A PATRE LIBER ESTO.
- XIV. SEI PVER PARENTEIS VERBERIT, AST OLOE FLORASSINT, PVER DIVEIS PARENTVM SACER ESTO. SEI NVRVS, SACRA DIVEIS. PARENTVM ESTO.
- XV. PATRONVS SI CLIENTI FRAVDEM FAXIT, SACER ESTO.
- XVI. DVVMVIRI PERDVELLIONEM IVDICENT: SI A DVVMVIRIS PROVOCARIT, PROVOCATIONE CERTATO. SI VINCENT, CAPVT OBNVBITO, ARBORI INFELICI SVSPENDITO: VERBERATO VEL INTRA POMOERIVM, VEL EXTRA POMOERIVM.

Nymae Pompilij leges.

Nyma, ait Dionysius, Romuli leges firmavit, novas ipse de ritibus & ministris sacrorum adunxit. Curiones, Flamines, Augures, Vestales, Salios, Fetales, Pontifices instituit. Legum aliquot verba haec reperiuntur.

- I. DIS EX IMPVTATA VITE NE LIBANTO.
- II. VINO ROGVM NE RESPERGITO.
- III. PISCIS QVEI SQVAMOSI NON SVNT NEI POLLVCETO: SQVAMOSOS OMNEIS PRAETER SCARVM POLLVCETO.
- IV. QVOIVS AVSPICIO, CLASSE PROCINCTA, OPEIMA SPO-LIA CAPIVNTVR, IOVI FERETRIO BOVEM CAEDITO. QVEI CEPIT, AERIS DVCENTA DARIER OPORTETO.
- SECVND A SPO-LIA, IN MARTIS ARAM IN CAMPO SOLI-TAVRILIA VTRA VOLVERIT CAEDITO.
- TERTIA SPO-LIA, IANO QVIRINO AGNV M MAREM CAE-DITO, CENTVM QVI CEPERIT EX AERE DATO.
- V. QVI TERMINVM EXARASSIT, IPSVS ET BOVES SACREI SVNTO.
- VI. SI QVIS HOMINEM LIBEROM DOLO SCIENS MORTI DVIT, PARICIDA ESTO: SI IMPVDENS, TVM IN CONCIONE PRO CAPITE OCCISI ET NATIS EIVS ARIETEM OFFERTO.
- VII. PELLEX ARAM IVNONIS NE TAGITO: SI TAGIT, IVNO-NI CRINIBVS DEMISSIS AGNV M FAEMINAM CAEDITO.
- VIII. SEI HOMINEM FVLMIN IOVIS OCCISIT, NE SVpra GE-NVATOLLITO.

HOMO

REGIAE

HOMO SI FULMINE OCCISVS ESIT, EI IVSTA NVLLA FIERI OPORTETO.

Sensalegumista.

Deis fruge & mola falsa supplicanto.

In contractibus fides seruator : Fidei numen omnes metuunto.

IX.

Si filius familias vxorem duxit, parti vendundi eius ne vltra ius esto.

X.

Mulierem, si praegnas mortua suar, nisi exciso partu, ne humato : qui secus faxit, quasi spem animantis peremerit, ira esto.

XI.

XII.

Tulli Hostilij.

Nati trigemini, donicum puberes eiunt de publico aluntor.

I.

De x. virorum Legibus, quando & quomodo scriptae.

Regiae leges partim scriptae, partim inscriptae adusque Tarquinij Superbi tempora valuerunt. Primus ille & Serui leges omnes abrogauit, & prorum Regum plerasque contempsit, ad vim omnia referens & libidinem dominandi. Tarquinio vero pulso, à Bruto & Valerio Coss. reuocatas iterum Seruianas aliasque leges Dionysius adfirmat. Quasdam & ipsi Coss. & postea Tribuni addiderunt tuendae libertatis, ut sunt Valeriae, Sacrae, Sciliae leges. Sed hae omnes ius publicum spectabant : & priuato iuri nulla facta accessio ante leges x. virales. A. V. C. CCXCII. promulgata à Tribunis lex Terentia est de Quinqueniris, ut Liuius, vel Decemuiris, ut Dionysius, Legum scrib. creandis. Ea que lex plebi volenti fuit. Nam ad id tempus loco regum Coss. ius dicebant: Consules autem ex patribus erant. Itaque in dissensu ordinum, cum Patres occasione iuris praecipue vterentur ad premendam plebem, nec plebeio contra patricium ius ullum aequum esset: omnibus concionibus iactata & flagitata lex Terentia est. Restitère tamen, septem annos ipsos, patres. Fracti demum concessere, missique legati in Graeciam ad Solonis inclitas leges aliarumque ciuitatum instituta morisque noscendos. addit Dionysius etiam in Graecianis Italiae ciuitates. Bientium plusminus legati absuerunt. Reuersi sunt A. V. C. CCCI. Statimque plebs peruenit ut scribendarum legum initium fieret: patres tenuerunt ut x. viri de patriciis tantum crearentur. Creati Ap. Claudius, T. Genutius, P. Sextius, Sp. Veturius, C. Iulius, A. Manlius, Ser. Sulpitius, P. Curatius, T. Romulius, Sp. Postumius, omnes consulares. Inierunt magistratum sine prouocatione A. V. C. CCXII. sineque anni propositae decem tabulae. Duae reliquae sequenti anno additae. In Graecis interpretandis vsi operâ sunt Hermodori Ephesij philosophi. Tabulas vocare placuit exemplo Atheniensium qui Solonis leges dixerunt Αἰῶνας, tabulis ligneis incisas. quamuis istas aereas fuisse constet dissentiente Pomponio. Perlatas sunt comitiis centuriatis, fixae in foro ad Curiam Hostiliam. manseruntque; quamuis post varia incendia urbis, vltra Septimij Seueri Imp. tempora. De diuisione tabularum ex fragmentis difficile iudicium est. Modo tamen & ordine scriptas fuisse non est dubium. Leges Regiae & Solonis, decem primas tabulas occupasse videntur: duae postremae de Sacris fuerunt, easque à Falisciis petitas

* 3

Seruus

Servius est auctor. Cerið leges regiae ex l. II. & III. tabula à Festo citantur: Lex Romuli de vendendis filiis à Dionysio in quarta ponitur. Fragmenta quae supersunt, haec sunt.

- I. IVSSVS POPVLI ET SVFFRAGIA SVNTO, QVODCVMQVE POSTREMVM POPVLVS IVSSIT, ID IVS RATVMQVE ESTO.
- II. PRIVILEGIA NE IRROGANTO.
- III. DE CAPIT CIVIS NISI PER MAXIMVM COMITIATVM NE FERVNTO.
- IIII. FORTI SANATIQVE IDEM IVS ESTO.
- V. Qui hostem concitauerit, quive ciuem hosti tradiderit, quive coctus nocturnos agitauerit, capital esto.
- VI. Sodalitates & collegia sunt: ast ne in publicas leges commodave peccanto.
- VII. QVI FRUGES EXCANTASSIT, CERERI SACER ESTO.
- VIII. QVI FRUGEM ARATRO QVAESITAM PAVIT SECVITVE, PVBES CERERI SACRATOR: IMPVBES PRAETORIS ARBITRATV VERBERATOR, NOXAMVE DVPLIONEMVE PRAESTATO.
- IX. Si in alieno pecus pauerit, actio esto.
- X. Qui iniuria arbores alienas ceciderit, in singulas xxv. aeris luito.
- XI. Arboris impendentis ramos xv. pedes à terra circumcidere ius esto.
- XII. PATERFAMILIAS VTI LEGASSIT SVPER PECVNIA TVTELAVE SVAE REI, ITA IVS ESTO.
- XIII. SI INTSTATVS MORITVR CVI SVVS HERES NEC ESCIT, AGNATVS PROXIMVS FAMILIAM HABETO: SI AGNATVS NEC ESCIT, GENTILES FAMILIAM HERCISCVNTO.
- XIV. SI FVRIOSVS ESSE INCIPIT, AGNATORVM GENTILIVMQVE IN EO PECVNIAQVE EIVS POTESTAS ESTO.
- XV. HOMINEM MORTVVM IN VRBE NE SEPELITO NEVE VRITO.
- XVI. HOC PLVS NE FACITO: ROGVM ASCIA NE POLITO.
- XVII. MVLIERES GENAS NE RADVNTO, NEVE LESSVM FVNERIS ERGO HABENTO.
- XVIII. HOMINI MORTVO NE OSSA LEGITO, QVO POST FVNVS FACIAS, NISI BELLI PEREGREVE MORTVO.
- XIX. QVI CORONAM PARIT, IPSE PECVNIAVE EIVS, VIRTVTIS CAUSA ARDVITOR.
- XX. NEVE AVRVM ADDITO.
- XXI. QVOI AVRO DENTES VINCTI ESUNT, AST IM CVM OLLO SEPELLIRE ET VRERE SE FRAVDE ESTO.
- XXII. Scutulis vinctura tollitor, omnisque circumporatio.
- XXIII. Rogum bustumve novum, propius l. x. pedes, alienas aedes ne ad-iicito.
- XXIV. Forum bustumve ne yfucapito.

REGIAE.

SI IN IVS VOCET, ATQVE EAT. XXV.
 SI MORBUS EVITASVE VITIVM ESCIT, QVI IN IVS VOCAS-XXVI.
 SIT, IVMENTVM DATO: SI VOLET AR CERAM, NE STERNITO.

SI QVID HORVM FVIT VITIVM IVDICI, ARBITROVE, REO-XXVII.
 VE, DIES DIFFEISVS ESTO.

SI VIS VOCATIONI FYAT, TESTAMINI: IGITVR EM CA-XXIIIX.
 PITO.

SI CALVITVR PEDEMVE STRVIT, MANVM ENDOIACITO. XXIX.

SIQVEI IN IVRE MANVM CONSERVNT, VTRIQVE SVPER-XXX.
 STITIBVS PRAESSENTIBVS VINDICIAS SVMVNTO.

SI VINDICIAM FALSAM TVEIT, REI SIVE LITIS ARBITROS XXXI.
 TRES DATO: EORVM ARBITRIIS FRVCTVS DVPLIONE DAMNVN DECIDITOR.

REM VBEI PAGVNT, ORANTO. NEI PAGVNT, ANTE MERI-XXXII.
 DIEM IN FORO AVT IN COMITIO CAVSAM CONIICIANTO.
 POST MERIDIEM PRAESENTE AMBOBVS LITEM ADDICITO.
 SOL OCCASVS SUPREMA TEMPESTAS ESTO.

AERIS CONFESSI, REBVSQVE IVRE IVDICATIS TRIGINTA XXXIII.
 DIES IVSTI SVNTO: POSTIDEA MANVS ENDOIECTIO ESTO:
 IN IVS DVCITO: NEI IVDICATVM FACIT, AVT QVIPS ENDO
 IVRE EM VINDICIT, SECVM DVCITO, VINCITO AVT NERVO
 AVT COMPEDIBVS QVINDECIM PONDO, NE MINORE, AVT
 SI VOLET MAIORE VINCITO. SI VOLET, SVO VIVITO, NI
 SVO VIVIT, QVI EM VINCTVM HABEBIT ALBRAS FARRIS EN
 DO DIES DATO: SI VOLET, PLVS DATO.

TERTIIS NVNDINIS PARTES SECANTO: SI PLVS MNVS-XXXIV.
 VE SECVERINT, SE FRAVDE ESTO.

ASSIDVO VINDEX ASSIDVVS ESTO: PROLETARIO QVIVIS XXXV.
 VOLET VINDEX ESTO.

QVI SE SIRIT TESTARIER, LIBRIPENSVE FVERIT, NI TE-XXXVI.
 STIMONIVM FARIATVR, IMPROBVS INTSTABILISQVE ESTO.

CVI TESTIMONIVM DEFVERIT, IS TERTIIS DIEBVS OB XXXVII.
 PORTVM OBYAGVLATVM ITO.

Qui falsum testimonium dixerit, saxo Tarpeio deiecit. XXXVIII.
 Si iudex arbiterve ob rem iudicandam, pecuniam acceperit, Capi- XXXIX.
 tal esto.

Qui malum carmen incantassit, Ceteri facere esto. XL.

QVI INIVRIAM ALTERI FAXIT, XXV. AERIS POENAE XLI.
 SVNTO.

SI QVIS CARMEN OCCENTASSIT, ACTITASSIT, CONDI- XLII.
 DISSIT, QVOD ALTERI FLAGITIVM FAXIT, CAPITAL ESTO.

SI MEMBRVM RYPSIT, NI CVM EO PACIT, TALIO ESTO. XLIII.

Si

- XLIV. SI NOX FVRTVM FAXIT, ET IM ALIQVIPS OCCISIT, IV-
RE CAESVS ESTO.
- XLV. Interdiu si se telo defenderit, iure caesus esto.
- XLVI. SI ADORAT FVRTO QVOD NEC MANIFESTVM ERIT, DV-
PLIONEM LVITO.
- XLVII. Furta per lancem liciumque concepta, quasi manifesta vindicantur.
- XLIIX. De furto pacisci liceto.
- XLIX. TIGNOM IYNTOM AEDIBVS, VINEAEQVE CONCAPES NE
SOLVITO.
- L. FVRTIVAE REI AETERNA AVCTORITAS ESTO.
- LI. VSVS, AVCTORITAS FVNDI, BIENNIYV ESTO.
- LII. ADVERSVS HOSTEM AETERNA AVCTORITAS ESTO.
- LIIL. QVI NEXVM FACIET MANCIPIYMQVE, VTI LINGVA NVN-
CVPASSIT, ITA IVS ESTO.
- LIV. Vindiciae secundum libertatem dantur.
- LV. Nequis vnciario foenore plus exerceto.
- LVI. Patricij cum plebeiis connubia ne iungunto.
- LVII. Via in porrectum VIII. P. in amfractum XVI. P. lata esto.
- LVIII. In finibus intra V. pedes vsucapio ne esto.

F I N I S.

A P P R O B A T I O.

*In his legibus nihil est quod Religionem Catholi-
sam offendat. quod attestat*

Walterus Vander Streeghen S. Theol. Licentiatius,
Ecclesiae Antuerpiensis Canonicus.





